

Na' ziagd's mi' anderschdwo noa'

Zwischane'i' dao' han' i' fei' organisch so a' panisches Gefühl
Ond i' moag des nemme, des Gewimmel, des Getümmel, des Gewühl
Na' isch' dr Fenfr oifach grad
Au's Fahrrad schdoahd scho' parat
Na' fangd's ao' - na' ziagd's mi' anderschdwo noa'!

Goahd des Cityläba mir ganz dondrschlächtich mächtich uf da Goischd
Bsonders des Gemodze, des Gebruddel, des Gekeife, äll so'n Scheiß
Na' mach' i's wia dr Kerkeling
I' be na' mol weg, heißd des Deng
Na' fangd's ao' - na' ziagd's mi' anderschdwo noa'!

Doa' kenn' i' Plädz - wo's absolut schdill isch'
Doa' kenn' i' Bächle - wo d' beim Bada alloi bisch'
Doa' schnauf i' durch - in paradiesische' Wälder - Felder

'S kommd di' Zeit, wo i' noach dera Auszeit so allmählich wiadr hoim
fend'

Ond i' freu' mi' jessesmäßig, dass so scheene Sacha koine
Dreim send

Na' nehm' i's Läba, wia ma's halt nemmd
I' weiß beschdemmt, wann's aofanga klemmd
Na' fangd's ao' - na' ziagd's mi' anderschdwo noa
na' ziagd's mi' anderschdwo noa...